

nid schlafe

**i cha wider mau nid schlafe
wöu dr tag im chopf wider vore aafat**

**i tue zeue u wett flüchte
wyt äwág, doch er hout mi geng y**

u d zyt, die blybt schtah, u i cha nid la gah

**i ha gfluechet, ha di schlecht gmacht
di verrisse, ha mi säuber nümm kennt**

**drum chan i itz nid schlafe
was het mi trybe, das lat mir ke rue**

**u d zyt, die blybt schtah, u i cha nid la gah
u d zyt vergeit glych schnäu, scho gly wirds wider häu**

**so stahn i haut uf, luege use id nacht
es paar liechter si z gseh, warum si die no wach**

**u d zyt, die blybt schtah, u i cha nid la gah
u d zyt vergeit glych schnäu, scho gly wirds wider häu**

**das wird mir nie meh passiere, so wott i nid sy
das wird mir nie meh passiere, das chas doch nid sy**

gsang, bass, gitarrre, piano & akustische gitarrre: **daniel brélaz** schlagzüg: **ernie mckone**
wurlitzer, hammond & gitarrre: **toby baker** perkussion: **christoph fluri**
trumpete & flüguhorn: **daniel woodtli** tenor saxophon: **simon stirnimann**